



Jumat, 05 Agustus 2022
Ogen: Esekiel 46:13-15



Persembahkan Si Tep-tep Wari



Tep-tep kiniteken (agama) lit persembahenna. Erbage cara si ibahana guna nehken persembahen. aturen pe itetapkan kerna persembahen enda. Bas agama pemena pe persembahen seh pentingna. Lit paksa-paksana bas nehken persembahen e.

Tuhan ngajari bangsaNa i bas nehken persembahan. Persembahen e isehken tep-tep erpagi-pagi, si man persembahenken e biri-biri umur sada tahun, dua kilo tepung radu ras sada liter minak saitun ras buah gandum. Ertina Tuhan pe enggo nentukan paksa/waktu i bas ersembah. Ilakoken tep-tep erpagi-pagi. Berarti sope denga ngelakoken pendahin, sada si la banci ilupaken e me ersembah lebe man Tuhan. Nehken persembahen siperlebe ilakoken sope erdahin. Janah enda ilakoken tep-tep wari, labo sekali-sekali entah pe songsong segelah jadi bagin si la terpesirangken i bas kegeluhen. Kesaksin pustaka pe teridah piga-piga singelakoken enda; Daud bas kitab Masmur 5, entah pe masmur 88:14, 119:147). Nehken persembahen enda dalam jumpa ras Dibata kap. Jesus bas kitab Markus 1:35 ngendesken diriNa man Dibata bas erpagi-pagi sope denga ngelakoken pendahinna. Bage ka pe bangsa Israel bas ogenta enda iajuk nehken persembahen bas erpagi-pagi, ngatakenca maka sope denga ndahiken dahin entah pe ndalani kegeluhen sada wari e pelebe jumpa ras Dibata segelah IA singkawali kegeluhen bas benaken erpagi-pagi seh ku berngina pe.

Kai dage sipersembaheken? E me persembahen simerimna s ingena ate Dibata alu ngendesken kulanta man bana (Bd. Roma 12:2). Mekatep sikataken pe "*langkah awal mempengaruhi langkah berikutnya.*" Tep-tep erpagi-pagi sipemenana kel silakoken e me ngendesken kulanta man Dibata saja sabap tek kita arah si e banci sidalani wari e alu dem kemalemen ate

➤ Pedah Kata Dibata tep-tep wari ersembahilah!